

中國經濟史叢刊

中國經濟史叢刊集成

中國經濟史叢刊(1)

蘇平知
船

PDG

中國地方志集成

雲南府縣志輯 ⑥5

民國姚安縣志(一)

鳳凰出版社 ● 上海書店 ● 巴蜀書社

姚安縣志目錄

卷首 一卷

序 凡例 纂修職名 目錄 幅員圖

輿地志第一 十四卷自卷一至卷十四

小引 疆域 附沿革圖 形勢 關隘附經界 山川 地質 地震附 城池 關堡附 官署 公所附 戶口 坊

市 鄉鎮 晷度 氣候 水旱風霜災附 水利 交通 橋梁附

政典志第二 六卷自卷十五至卷二十

小引 吏治 吏制教育實業團保警察禁煙倉儲振卹濟貧衛生 司法財政 財務田賦公產捐項經費債券供億銀行 武備

附哨塘兵制 民政 保甲自治縣訓人民團體附特種團體 役政 徭役兵役

大事志第三 四卷自卷二十一至卷二十四

小引 建置 沿革 兵事 政變 附大事表

人物志第四 十二卷自卷二十五至卷三十六

小引 官師 題名表八名宦六十五人循吏四十一人忠烈十三人表列三十五人附錄五人 選舉 正表六附表三 鄉賢 三十二

人 卓行十五人 寓賢三人 忠義 六十八人士庶兵勇忠義表列一千二百三十八人抗戰忠烈表列及附錄七百九十六人

孝友五十九人 列女 二百二十七人續通志表列八十二人咸同間殉難貞烈表列六十七人附錄八十六人 文苑三十六人 義

行 六十八人 方技二十三人 氏族

學術志第五 六卷自卷三十七至卷四十二

小引 理學 經學 史學 文學 方技雜流專家之書 學術概論

物產志第六 六卷自卷四十三至卷四十八

小引 動物 植物 礦物 工藝 農業 商業

禮俗志第七 七卷自卷四十九至卷五十五

小引 社會 義舉 祠祀 典禮 風俗 方言 宗教

金石志第八 十一卷自卷五十六至卷六十六

小引 碑碣 塔幢 古器 古蹟 名勝

附文徵

小引 考訂之文 九篇附現存人作品二篇 論政之文 九篇 論事記事之文 七十六篇附現存人作品四篇 詮理

之文十七篇附現存人作品一篇

緣情託興之文各體詩二百七十四首附現存人作品九首

附雜載

卷末一卷

敘例

张

卷末一

請參閱

玄文十士論與吾人吾品一談

鴻寶諸藥之文合編二百二十四首請裝整人帶品式品

姚安縣志序

爲文人易爲史家難何也文必已出則亦自言其心之所欲言者而已若夫史則所以紀客觀之事實不能嚮壁虛造章實齋所謂惟恐出之於己者也故修史非鎔裁之難非潤色之難其難首在乎徵採何言乎徵採之難也徵於往古或事有關遺或書有僞竄文獻不足仲尼所憂雖善無徵子思所病是以爬羅剔抉直當鑿險緹幽然果學裕識精亦許鈎沈糾謬所最難者仍在近事之採輯耳平時之調查不豫則臨時之應付難憑加以恩怨親疏愛憎取捨詳略浮實百出其途雖筆削在我而所以供我筆削者果能洪纖不漏妍媸畢呈耶方志爲國史所取裁固亦史之一體章實齋纂湖北通志甚有名而自言負愧實多其癥結即在當官採訪者多於此道茫如甚且陰以爲利府縣官吏疲懶不支其有指名徵取之件憲司羽檄發催十不報六而又逼以時限不能盡其從容即於文徵之集亦致慨於詩文諸集送局無多而分纂者且不免徇情通乃賄至抄胥私增覆勘爲勞蓋其難如此愚非文人更非史家惟既忝負一方行政之責感於方志與行政關係綦切而採訪又爲各級行政官廳責無旁貸之事咨詢所及頗知甘苦復聞各縣奉令修志多難中程不免爲地方文獻前途鯁鯁過慮何意竟於姚安縣志欣然觀其殺青也姚安爲唐代治滇重鎮元明而降爲府爲州迄今爲縣沿革雖殊重要則一地理之關係不輕歷史之演進

甚久繼往開來綰紳有實乃六十餘年志未續修迨民國二十八年始有志局之設以由君雲龍爲局長兼總纂由君人龍爲副局長劉君德修爲編輯主任羅君錫章佐之丁君國樑爲事務主任其分任採訪者聞皆一時賢俊閱七寒暑而全書告成請序於愚夫由君雲龍滇中耆碩以七秩之高齡負千秋之大業勝任愉快固不待言豐饒忘勞尤堪敬佩劉君德修亦稱宿學其他各員悉爲端士且以縣人纂縣志見聞親切採輯非難覽其叙例已得一斑矣抑其自序頗譏流俗修志取胥吏案牘詞人雜纂濫充篇幅此誠易犯之病故章實齋作方志立三書議謂凡欲經紀一方之文獻必立三家之學做紀傳正史之體而作志做律令典例之體而作掌故做文選文苑之體而作文徵三書相輔而行闕一不可其所爲湖北通志永清縣志和州亳州等志皆準此而成今觀姚安縣志叙例則仍納政典藝文於一志之中倘所謂舉重若輕者耶是誠不易也故樂爲之序

中華民國三十六年二月雲南省政府主席盧 漢

新修姚安縣志序

志者識也所以識一方之人物事也縣之有志亦猶國之有史一方之人也物也事也越數十年自爲之一變大有足以紀載之者姚安在明代爲軍民府有府志首邑姚州有州志均無存焉遜清康熙道光間各經重修州志亦殘缺不全至光緒時邑人甘潤之先生（雨）網羅散佚而完成之即今舊州志也自是以後六十餘年間已失修矣此六十餘年中政治社會經濟教育乃至歲時地理等一切現象變遷既多皆應紀載而爲後來之所取鑑焉是姚安縣志之亟宜纂修者明也民國二十八年奉中央及省府迭令編纂地方人士公推邑人由夔舉先生雲龍爲總纂推舉劉紳德修羅紳錫章丁紳國樑等主其事並舉邑之宿儒耆碩殫心搜訪極意披尋無文不錄有美皆登至二十九年冬着手進行歷七年之歲月全書告成凡六十六卷及首末二卷此志也得縣參議會之贊助由先生與諸紳通力合作卒觀厥成宏綱鉅典既已纖悉靡遺兼以參酌古今期其適於應用另訂體例創作八綱起自遜清光緒九年訖至民國三十六年而新舊釐然首末銜接洵信之於今而可傳之於後也書成擬付印者再而三以縣庫支絀異常苦無他款可以挹注適予奉調來守是邦諸紳即以志稿見商予謂纂修縣志洵非易事書成不印可乎印必千部需費幾何就昆商討信使往還論值甚鉅議決僅印半千亦需籌國幣三千餘萬元予謂昔也

志書成而付諸剞劂印刷無多舊府州各志失傳蓋由於此今宜懲前毖後全縣計十六鄉鎮一百五十
五保鄉鎮保各發一部鄉鎮中心學校亦各發一部流傳既遍可免失傳即從鄉鎮籌款不啻印書預約
遂召集各鄉鎮長及十紳會議戶派門攤大千禁令決議加收一季房捐最爲允協誠以志乘爲一縣之
要典非私人之著述由一縣人共完成之未爲不合理也集腋成裘衆擎易舉況在各戶不過加納一季
房捐在全姚已印成一部縣志完成縣志民衆亦與有其力其事豈不美哉於是如議實施民皆樂從踴
躍先納惟今年金融變動異常欸未付而印價又增高一倍無力再籌適美金購糧儲券有兌現之舉印
志之增價衆議以儲券兌現欸中補足縣志於是乎印成堅也滇西末學未及參與徵考稍據一得之愚
然披閱之餘深感前人得失當爲後來之借鑑敢不努力奮發從事興革以求日起有功兼於萬難之中
盡力籌措經費期底於成以副纂修者數年慘淡經營之盛意庶不致貽久懸未印之嘆云爾書數言以
弁端

大中華民國三十六年十一月六日麗江萬松和志堅序於姚安縣政府

姚安縣志序

方志之學至有清而大備以研究之者衆也而尤莫精於實齋章氏之論志其言曰方志乃一方之全史周官外史所領如晉乘楚檮杌之屬卽方志之權輿後世乃以地理圖經視之然則司書所掌之版圖又何物耶其言如此夫志者識也孔子論詩興觀羣怨之外更以資多識此物此志也昔者司馬遷著通史創紀傳所以紀事傳人者備矣而歷代之典章文物闕焉不錄斯史之官職未盡也乃立爲八書班固斷代爲史易爲八志此志之所由昉也於是唐杜佑曰通典宋鄭樵曰通志元馬端臨曰通考所以補各編年史志之未備者粲然矣然而所紀者舉國之事非一方之事也考周官小行人出使四方反命於王則以萬民利害及禮俗政教之類各爲一書名爲五物以獻於王是知輶軒采風所取四方之事亦必分別爲書後世所以有方志之作歟既係一方之志則所謂萬民利害禮俗政教皆必一一紀之以供行人之采取非專事地理明也自世儒誤爲地理專書紀載偏重或等例於纂輯比類繁猥壞并其下者更取胥吏案牘詞人雜纂茅葦膚文米鹽碎事徒充篇幅失其義旨矣古昔邦國之志亡佚不存春秋左氏所引周志軍志諸文亦不可得見知各國皆自有其書而已逮至漢時承周文治郡國圖籍畢上太史於是改國史之例爲郡縣之書科條釐然各有記述自晉以後如華陽國志九國志吳郡志姑蘇志新安志臨安

志等漸臻美備傳者無多宋稱極盛元明繼之傳者各不過十餘家而如康海之武功志韓邦靖之朝邑志世多稱許然蕪雜簡陋非史裁之善本也有清三百年間各省府廳州縣之志略備吾姚安有明太守李成材郡人陶珽創修府志陶珽纂姚州志均已失傳迄清康熙間州牧管綸道光間學正王璫重修州志亦祇僅存殘本至光緒間甘潤之先生雨綱羅散失成州志十一卷最爲完書近六十年來時局之變遷爲前此所未有語其物質不得不謂之有進境而猶須鼓勵闡發衡以政治文化倫理精神則千端萬緒有待於修舉者正自無限然則縣志之纂輯以爲修明政治之憑藉者實不可緩也聞嘗取最近成書堪稱善本之寧寧縣志民國十五年二健爲縣志民國十七年二比附參較竊以爲吾姚安今日修志所當注重者有三曰續續前志之未逮也前志止於光緒八年自是厥後首次反正之大改革中央本省歷次之政變其影響於地方者甚大宜繼前書而續述之者一也曰補補前書之不足也政治教育之改革交通實業之進步以及其他部門多有前此所未備者宜就前志而補輯之者二也曰創居今日而修縣志自非前志之旨趣門類所能範圍則繼往以開來傳今以示後即章氏特樹之義例橫拓之領域由時代之進展尙嫌其未盡適宜所宜闢而新之以應於現代之要求蓋一方面爲因一方面又須爲創者三也依此三者參以史漢諸書及近日成書義例酌立八綱細目六十庶以備史部之要刪貽後來之典範乎叙曰

橋棟設縣自漢伊始越七百年版章大啟建都督府袤及大理元立一路曾設統矢明政府治更關荆杞
清改爲州百五十祀延及民國設縣一體沃野平原廣三百里路綫交通水利興起峨峨者山汙汙者水

山脈水源一一堪紀志輿地第一

附歷代疆域沿革圖 山脈水系表
交通路綫圖 官署影片 公所簡表

地關西南蠻夷雜聚惟恃賢良勞來輔翼虔陀不職禍亂斯萌古心有守民庶歸心吏風日下清社以屋
持法不公民罹荼毒匪靡匪能弗敬弗懲文武之林宜各有稱民治之基端在教養務本探源其效自廣
財爲事毋戎戒不虞詰奸禁暴各有專司志政典第二

維縣旣建民庶日昌邈矣楚將盛哉漢唐六朝文物比于內地宋劉鴻溝歷三百祀元明而後治法修明
迄清末世法極弊生府州而下親民爲縣隆汙得失可觀世變回漢相爭最被蹂躪文化荒涼遲遲不進

共和成立改革殊甚有關治譜逐一采問往事雖遙猶堪印證三世聞見須窺底蘊志大事第三

附歷代
大事表

山川靈秀含英毓藻博稽宏通兼甄智巧名宦寓賢並予著錄如玉含輝寧終韞櫝忠孝節烈亘古常垂
薄名教者自絕綱維貢舉前規匪盡陳迹人才出斯載筆無佚議會要旨廣益集思反是叢弊逞臆營私
爲政在人一疏百密覆轍殷鑒前加茲誰毀誰譽昭之大公以爲法戒詩誦嘏臆志人物第四

六藝九流言儒則隘學各有師總其歸滙班書隋志流別區分七略四部殫見洽聞醫衛人生農爲食本

苟能名家傳之不混摛華接采寓意淵潭利弊所係掌故攸關博收約取條分縷貫豈曰多文勿令佚散
因文見道如璆如琳後有作者椎輪可尋志學術第五

鄭饗韓子七子賦詩不出鄭志相其土宜爾雅風詩名物咸備教育初基亦重多識志略物產買櫝還珠
因物付物索驥按圖桂海濱海虞衡有志力掃浮文以求實際民稀地廣不厭取求開發宜預研討宜周
齊民有術何患貧弱富強列邦版圖奚若志物產第六

五方雜處習尚潛移禮俗方言往往異歧祠祀禮秩維風弼教慈善公益施不責報鄉賢風義足以化民
勿輕棄置致後無稱信仰之源根心發性釋耶道流從所歸命數典忘祖通士譏嘲守先待後激薄停滯
易俗移風徵文考獻于治有神斟酌不厭志禮俗第七

古昔眞相於何考見文字訛譌無由徵驗金石古蹟事非鑿空先民手澤曲證旁通夾漈一略著錄甚簡
時代遷流道益廣遠藉以訂古信而有徵比之載籍轉覺可憑甲骨書契非此所有但令名蹟得如發觚
遺簪墜履其物其人千載矜式奉如典型志金石第八

附名勝坊表銅像家範照片

姚安縣志凡例

(一) 舊志

凡稱舊志皆指甘老先生志下仿此

義例精嚴叙次簡潔爲方志中不可多得之書第爾時交通未闢書籍無多除

正史及載記數種如常道將之華陽國志王樂山之備徵志李中溪之雲南通志均未采及爰爲增輯以廣故實

(一) 劉主任原訂之採訪程式係參照通志館通行之各縣志綱目草案而成縝密詳盡因各縣各有特殊情形未可一律通用爰就原案審登略有變通其大端自不可易故採訪仍根據進行惟編輯時各依類別分配於繁簡分合處斟酌適宜具有別裁期成善舉

(一) 志書備一方文獻史裁而劃井分疆自以輿地爲要故首述輿地至山澤川浸掌自職方顧氏紀要瞭如聚米斯疆域形勢山川誌焉城池官署政治所出土質肥磽種植攸資地質水利等隸之其十目十四曰疆域曰形勢曰經界曰山川曰地質地震曰城池曰官署曰戶口曰坊市曰鄉鎮曰晷度曰氣候曰水利堰澗溝洫河渠等屬之曰交通驛路郵電公路鐵路屬之

(一) 政教分途吏治爲先自清末改良司法而初級審判仍歸地方官吏兼理特內部組織及審判手續稍改善耳其餘司馬司寇所掌邦政邦禁之遺以及理財衛民咸歸政典而以吏治司法財政武備民

政役政錄之

(一) 自漢代開疆設縣以治地處僻遠叛服不常唐最多事宋不足徵自明迄清車書始一而四百年間干戈數起共和成立百度維新往事歷歷宜從載筆故誌大事而建置沿革兵事政變以次附述焉

(二) 舊志於人物已備載無遺特今之方志多略遠而詳近蓋古人名行在通都大邑者已見舊籍及歷朝史傳一方紀載千古何加至於近時人物不必盡登史籍地居荒遠輶車所采遺漏必多異日文獻凋疏史局取材惟資志乘若限制過嚴取材過簡則是自闕前徵負慚桑梓矣是宜博訪周諮於近百年前勲舊德文苑儒林士著寓賢不分畛域以及卓行義士忠孝節烈詳爲甄綜翔實列入若夫士皆蹈刃女盡摩笄衆星齊明十鼎一味於事無殊於文無贅其殉難守節事同一律者彙列於表著其姓名惟奇節異行始詳著於篇登庸選士雖制度屢變立賢無方其義一也氏族流別可以見人物升降亦附書之

(三) 國於天地必有興立學術者文化所基人才所自出也古書多專立學校一門惟昔之學校幾視與祠祀等不能包舉一方文化即昔之教育如學宮學額學田書院義學義塾亦多成歷史上之遺蹟惟學術日異月新一國文化視爲進退除教育已列叙於民政內特立學術一綱以文學及醫農工商等專家學術錄之

(一) 舊志食貨以田賦力役經費物產屬之庶政日繁非分載不能詳盡滇省地廣人稀地利未闢不
僅姚安一縣爲然爰志物產一門舉動物植物礦物生產之數量方位與其開發之方位逐一調查詳加
紀載俾地方吏民有志於是者庶得所憑藉焉農工商業爲一縣經濟之源合而志之可考見其盈虛消
長之故施政者固有取於茲

(一) 社會禮俗一方文化歷史所表見義舉祠祀典禮方言皆其類也方今宗教盛行非昔可比自前
明瞿忠宣式耜吳墨井歷已信耶教厥後徐光啓利瑪竇南懷仁之徒又皆以宗教徒爲天文師近世因
信教之故訟案糾紛幾難究詰其實博愛爲宗樹德爲本中外一理何所喧呶即如釋道天方諸教有裨
人心何傷治本日月明則燭火自息文明進則信仰俱深神道設教古人所許爰以宗教殿焉

(一) 古蹟名勝爲考史之要端一鄉之眉目附於他門殊欠鄭重自鄭樵特志金石一略清代若阮氏
元謝氏啓昆武氏億所撰方志皆特載金石今依其例特志金石一門其碑碣之外若塔幢古器古蹟名
勝等或照爲寫真或揚其舊刻皆足以抒懷舊之念發思古之情甚至訂正史訛辨正往事咸有資於是
其有闕蝕不必臆補存其原本原物庶不致淆惑失真也

(一) 志書皆立藝文以致繁徵博引泛濫無歸其有闡發本邑人物掌故足資攷證者統入於文徵